

皇  
明  
典  
禮  
志

皇明典禮志卷之十八

江夏 郭正域 撰

冠服志

皇帝袞冕

洪武元年二月翰林院學士陶安等奏古者天子五冕祭天地宗廟社稷諸神各有所用請製之。

上曰五冕禮太繁。今祭天地宗廟則服袞冕社稷等祀則服通天冠絳紗袍餘不用。元年十一月詔定乘輿以下冠服之制。凡祭天地宗廟及正旦冬至聖節則服袞冕祭社稷先農冊拜亦如之。

十六年詔更定冕服之制。

永樂三年重定。

嘉靖八年五月

上疑冕弁未合典制。諭大學士張璁以制有革帶之文。今何不見于用。璁對曰。按陳祥道禮書。古革帶大帶。皆謂蟠革帶。以繫佩。韍然後加以大帶。而笏搢于二帶之間。夫革帶前繫韍。後繫綬。左右繫佩。自古冕弁。未嘗不用之。今不用革帶。前後佩服。皆無所繫。遂附屬裳。要之間。失古禮制矣。

上曰。禮服不備。非齋明盛服之意。會典載蔽膝用羅。

上織火山。三章。大帶緣用錦。皆與今不合。上  
衣裳分上下。而今衣掩裳。裳制如帷幔。而今西  
朕意衣但當與裳要下齊。而露裳之六章。何如。已  
又諭璉以更祖制爲疑。璉對曰。臣考禮制。衣不掩  
裳。與

聖意合。夫衣六章。裳六章。上下適均。自不容掩。考之  
集禮會典。與古不異。今衣八章。裳四章。衣常掩裳。  
國朝典籍。皆無所見。內閣圖註。蓋因官司織造。循  
習訛謬。今訂正之。乃爲復祖。上意決。因復諭璉曰。  
茲求至當。一一與卿訂定。衣六章。古曰。繪者畫也。

今當織之。查國初冕服。日月各徑五寸。今當從之。日月在兩肩。星山在後。華蟲在兩袖。仍玄色裳。六章。古曰繡。今從之。古色用黃。玄黃取象天地。今裳用纁。義無取。其從古。其六章作四行。以火宗彝。虎藻爲二行。米黼黻爲二行。革帶卽束帶。後當用玉。以佩綬繫之。蔽膝隨裳色。其繡上龍。一下火三不用山。卿其詳議。璵以

聖裁至當爲對

上乃諭內閣諸臣同考訂。于是大學士楊一清桂萼翟鑾同禮部翰林院詹事府禮科詳議

太祖皇帝十二章之制。司造之官。徇習近訛。弗諳古義。遂至失真。

皇上博稽古典。遂會

聖祖之心。不失乾坤之義。乞一一更正。萬代遵守得旨。擇吉更正。各王府並內外文武官一體更正。冕洪武十六年定。前圓後方。玄表纁裏。前後十二旒。每旒五采玉十二珠。五采纁十有二就。就相去一寸。紅絲組爲纓。黹纁充耳玉簪導。

二十六年定。冕版廣一尺二寸。長二尺四寸。冠上有覆玄表朱裏。

永樂三年定冠以皂紗爲之上覆白紵桐板爲質衣以錦綺以玉衡維冠玉簪貫紐紐與冠武并繫纓處皆飭以金係以玄統承以白玉瑱朱紘

嘉靖八年定冠制以圓匡烏紗冒之覆板廣二尺二寸前後玉珠七采十二旒以黃赤青白黑紅綠爲之玉珩玉珠導青纁充耳朱纓綴玉珠二尺以周尺爲度

袞洪武十六年定玄衣黃裳十二章日月星辰山龍華虫六章織在衣宗廟藻火粉米黼黻六章繡在裳二十六年定玄衣纁裳

永樂三年定玄衣八章日月龍在肩星辰山在背火  
華蟲宗彝在袖織成本色領縹襍裾纁裳四章織  
藻粉米黼黻各二前三幅後四幅前後不相屬共  
腰有展積本色裨褐

嘉靖八年定衣玄色六章日月在肩各徑五寸星山  
在後龍華蟲在袖長不掩裳之六章裳黃色爲幅  
七前三後四連屬如帷凡繡六章分四行火宗彝  
藻三行米黼黻三行

白羅大帶紅裏。

二十六年定兩邊用綠上朱錦下綠錦。



永樂三年定在腰及垂皆有緝上朱下綠紐約用素組

嘉靖八年不用錦蔽膝隨裳色繡龍火山文

二十六年定上廣一尺下廣二尺長三尺

永樂三年定隨裳色四章織藻粉米黼黻各二本色有紉施于縫中其上玉鈎二

嘉靖八年定隨裳色羅爲之上繡龍一下繡火三繫于革帶

玉革帶玉佩

二十六年定長三尺三寸

永樂三年定玉佩二各用玉珩一瑀一琚二衝牙一璜二瑀下玉花垂二玉滴瑑飾雲龍文自珩而下繫組五貫以玉珠行則衝牙二滴與璜相觸有聲其上有小二綬六采以副之黃白赤玄縹綠纁質嘉靖八年定革帶前用玉後無玉以佩綬繫而掩之大綬六采赤黃黑白縹綠小綬三色同大綬間施三玉環

二十六年定六采黃白赤玄縹綠織成純玄質五百首織三玉環

永樂三年定六采纁質施三玉環龍文織成白羅

中單黻領青緣襪。

二十六年以素紗爲之。

永樂三年定素紗青領襦裙領織黻文十三。

黃襪黃舄金飾。

二十六年定朱襪朱舄。

永樂三年定赤色舄用黑約純黃飾舄首。

嘉靖八年定朱襪赤舄黃條綠玄纓結。

玉圭長一尺二寸。

永樂三年刻山四。

通天冠服。

洪武元年定郊廟省牲。皇太子諸王冠婚禮黻之類。則服通天冠絳紗袍冠加金博山附蟬十二首。施朱翠黑介幘組纓玉簪導絳紗袍深衣製白紗內單皂領襖襪裙絳紗蔽膝白假帶方心曲領白襪赤烏華帶佩綬與袞服同。

皮弁服

洪武二十四年六月

上以百官侍朝皆公服而已。獨便服非以示表儀。命倣古制爲皮弁服。絳袍玄圭以臨群臣。凡朔望視朝降詔降香進表四夷朝貢朝覲則服皮弁服。

嘉靖間令祭太歲山川等神皆服皮弁

洪武二十六年定用烏紗冒之前後各十二縫每縫綴五采玉十二以爲飾玉簪導

永樂三年定縫及冠武弁貫簪繫纓處皆飾以金紅組纓其服絳紗衣

蔽膝隨衣色白玉佩革帶玉鈎鐔緋白大帶白襪黑舄

玉圭長如冕服之圭有脊并雙植文刻其上黃綺約其下及有韜金龍文絳紗袍本色領襖襖裾

紅裳如冕服。內裳制不織章數。

中單以素紗爲之。如深衣製。紅領。襍褌。裾領織黻文十三。

蔽膝隨裳本色。緣有玉鈎二。

玉佩大帶大綬韍舄。俱如冕服內制。

### 常服

洪武三年定常服。烏紗折角向上巾。今名翼善冠。盤領窄袖袍。束帶間用金玉琥珀透犀。

永樂三年定袍黃色。前後及兩肩各金織盤龍一。帶用玉鞞以皮爲之。

武弁

嘉靖八年九月

上諭大學士張璉會典有親征之條類造宜禡之祭  
皆曰具武弁服卿爲朕言之璉對周禮司服凡兵  
事韋弁服釋之者曰韋弁以韎韐爲弁又以爲衣  
裳孔穎達謂韎韐染赤色韐爲弁社祔謂頂少銳  
爲韋駕親征中外戒嚴之服是韐弁者武弁也

國朝視古損益爲皮弁之制有定式矣武弁如皮弁  
之制皮弁冒以黑紗武弁冒以絳紗隨具圖說進  
覽

上報曰覽圖制足見博考所繪有鞞形無繫處冠制  
古銳今圖朕惟上銳者取其徑利如古可也又依  
裳鞞鳥皆赤色何謂且佩綬俱無而于祭用之可  
乎璉對自古服冕弁未有不用革帶者革帶前繫  
綬後繫綬帶之弁譚止繫于革帶耳武事尚威烈  
故色多用赤詩諫諍有與乃天子講武之章與赤  
貌鞞鳥從裳色故皆赤佩綬于禮制不可缺據采  
芑詩曰服其命服朱芾斯皇有璫璵珪此詩爲鄉  
士南征而作其戎服尚備佩玉如此則天子武弁  
可推惟聖明裁定上復諭璉武弁冠服衣裳鞞鳥



皇明典章卷之十一  
俱如古制。增革帶佩綬及圭。諭禮部擇吉行。乃定弁制。上銳色用赤。十二縫中綴五采玉。落落如星。黼衣黼裳。黼黻俱如赤色。如常制。佩綬革帶如常制。俱上繫于革帶。烏如其裳之色。玉圭視鎮圭差小。刻上方下。篆文曰討罪安民。

### 燕弁服

嘉靖七年二月丁巳。上製燕弁服。倣古玄端制。襯用深衣色。用黃。初

上以燕居冠服未雅。諭輔臣張璁。考古帝王燕居法服之制。璁采輯禮書。玄端深衣之文。圖註以進。

上爲叅定其制示理且論理成服志理對曰古服玄  
端深衣二者其用最廣玄端自天子達于士蓋國  
家之命服深衣自天子達于庶人蓋聖賢之法服  
今

皇上于玄端但加文飾于深衣但易黃色誠得損益  
之道

上勅禮部曰常情多修治于明顯怠忽于幽居古聖  
王治玄端爲燕居服玄取其玄邃端取其方正朕  
酌古玄端之制更各曰燕弁庶幾深宮獨處以燕  
安爲戒也因勅尚衣監著爲式其制如皮弁以烏

紗冒之分十有二瓣金線壓之前飾五采玉雲各一後列四山朱絲爲組纓雙玉簪服身玄綠以青兩肩繡日月前蟠圓龍一後蟠方龍二邊加龍文四九襯用深衣制黃色袂圓袪方下齊負繩及踝十二幅素帶朱裏青表綠緣邊腰圖飾以玉龍九片履玄爲之朱綠紅纓黃結鞵用白。

皇后冠服

洪武元年十一月定。

皇后冠圓匡冒以翡翠九龍四鳳大花十二樹小花如大花數博鬢十二鈿服帶衣深青質畫翟赤質。

五色十二等素紗中單散領朱羅敕標襪襪膝  
隨衣色。緞爲領緣襪爲章三等。大帶隨衣色。朱裏  
紕其外。上赤錦下綠錦。紐約青組。玉蓋。蒂青襪。青  
鳥。鳥以金飾。凡朝會受冊謁廟皆服之。

永樂三年定冠上飾翠龍九。金鳳四。中一龍銜大珠  
一。上有翠蓋。下垂珠結。餘皆口銜珠流珠翠雲四  
十片。大珠花。小珠花如故。三博髮飾以金龍翠雲。  
皆垂珠滴翠。口圍上飾珠寶鋼花十二。翠鋼如其  
數。翟衣深青質。織翟文十有二等。凡一百四十八  
對。間以小輪花。紅領標襪。襪織金雲龍文。中單玉

色紗爲之紅領標襖裙領織文十三

蔽膝隨衣色織翟爲章三等間以小輪花四綬爲領緣織金雲龍文。

玉黻圭長七寸周尺剡其上。琢黻文黃綺約其下別以黃袋繡之金龍文

玉革帶青綺鞶描金雲龍文玉事件十金事件四大帶表裏青紅相半末純紅而下垂織金雲龍文上朱緣下綠緣并青綺副帶一綬五采黃赤白縹綠纁質間施二玉環皆織成小綬三色同大綬玉佩二各用玉珩一瑀一琕二銜牙一璜二瑀下玉

花玉滴瑒飾雲龍文。自珩而下繫組五貫以玉花珠。有小綬五采以副之。五采黃赤白縹綠。纁質織成青鞵烏鞵以青羅爲之。烏用青綺。描金雲龍文皂線純。每烏首加珠五。

常服

洪武三年定。皇后燕居。雙鳳翊龍冠。首飾釧鐲金玉珠寶翡翠諸色團紗金繡龍鳳文帶。用金玉。

四年定。龍鳳珠翠冠。真紅大袖衣。霞帔紅羅長裙。紅褙子。定制如特髻。上加龍鳳飾。衣用織金龍鳳文。加繡飾。

永樂三年定雙鳳翊龍冠以皂縠爲之附以翠博山上以飾金龍一翊以二珠翠鳳皆口啣珠滴前後珠牡丹二莖頭八翠葉三十六珠翠穠花鬢二珠翠雲二十一翠口圈一金寶鈿花九上飭珠九金鳳二口啣珠結三博鬢飾以鸞鳳金寶鈿二十四邊垂珠滴金簪二珊瑚鳳冠簪一副大衫霞帔衫黃色霞帔深青質織金雲霞龍文或鋪翠金飾以珠玉墜子琢龍文。

四襖襖子

卽襜褕

深青質金繡團龍文。

鞠衣紅色胸背雲龍文織金繡翠飾以珠大帶紅

綠羅爲之有綠餘青綠隨鞠衣色。

綠襪襪子黃色紅領襦襦裙皆織金采色雲龍文綠襪裙紅色綠綠襪織金采色雲龍文。

玉帶青綺鞞描金雲龍文玉事件十金事件三玉花采結綬紅綠線羅爲結上有玉綬花一琢雲龍文綬帶上玉墜珠六顆并金垂頭花板四片小金葉六個紅線羅繫帶一。

白玉玳瑁二如佩制金如意雲蓋一鈿雲龍文下懸紅組五貫金方心雲板一鈿雲龍文俱襯以紅綺下垂金花四件中有小金鍾一末綬白玉雲五



青襪舄與翟衣內制同。

## 皇妃冠服

洪武元年十一月詔定皇妃冠服。九疊四鳳冠。大花釵九樹。小花如大花之數。兩博髻。九鈿。翟衣青質。繡翟編次于衣及裳。重爲九等。青紗中單。黻領朱縠。標襖裙。蔽膝如裳色。加文繡重雉爲章三等。以緞爲領緣。大帶隨衣色。玉革帶。青鞵烏佩。綬凡受冊助祭朝會諸大事則服之。

永樂三年定九翟冠二頂。冠以皂縠爲之。附以翠博山。飾以大珠翟二。小珠翟三。翠翟四。皆口銜珠滴冠中寶珠一座。前後珠牡丹花二。莖頭八。翠葉三。

十六珠翠穠花鬢二。承以小連雲六。翠頂雲一。上  
飾珠五。珠翠雲十一。翠口圈一付。金寶鈿花九。上  
用珠九。金鳳二。口銜珠結。金簪二。珠翠牡丹花穠  
花各二。面花二。梅花環四。珠環各二。

大衫霞帔衫紅色。霞帔深青質。織金雲霞鳳文。  
或繡與鋪翠。飾以珠玉。墜子琢鳳文。

四襖襖子。

卽襖子

桃花色。金繡團鳳文。

鞠衣青色。胸背鸞鳳雲文。飾以珠。燕居服不用黃。  
大帶青線羅爲之。有緣餘紅綠各隨鞠衣色。  
緣襖襖子青色。紅領標襖裙。織金雲鳳文。

綠襖裙紅色綠綠襖織金花鳳文

玉黻圭長七寸刻其上環黻文以錦約其下并繡  
玉華帶青綺鞋描金雲鳳文玉事件十金事件三  
玉花采結綬以紅綠線羅爲結上有玉綬花一環  
寶相花文綬帶上玉墜珠六并金花板四金葉六  
紅線羅繫帶上玉佩二如中官佩制珩以下環飾  
雲鳳文

青鞵烏鞵以青線羅爲之烏用青綺飾描金雲鳳  
文皂線純每烏首加珠三

常服

洪武三年定鸞鳳冠。首飾釧鐲。金用玉珠寶翠諸色。團衫金繡鸞鳳。不用黃帶。用金玉犀。

山松特髻。假鬢花鈿。或花釵鳳冠。真紅大袖衣。霞帔紅羅裙。紅羅褙子。衣用織金及繡鳳文。

皇嬪冠服

嘉靖十年定冠用九翟。次皇妃之鳳。大衫鞠衣。如皇妃制。圭用次玉。黻文。

內命婦冠服

洪武五年六月丁酉定內命婦冠服制增設貴人一等才人二等叅酌唐宋之制自三品以上用花釵翟衣四品五品用山松特髻大衫爲禮服貴人視三五品以后燕居冠及大衫霞帔爲朝會禮服珠翠慶雲冠鞠衣褙子綠襪襖裙爲常服

宮人冠服

宮人衣用紫色。團領窄袖。徧刺折枝小葵花。以金圈之。珠瑤縫金束帶。紅裙。弓樣鞋。上刺小金花。烏紗帽。飾以花。帽額綴團珠結珠。鬢梳垂耳飾。



皇太子冠服

洪武元年定皇太子從

皇帝祭天地宗廟社稷受冊正旦冬至聖節朝賀加  
元服納妃被袞冕九章。

冕九旒每旒九玉紅組纓金簪導兩玉璵。

永樂三年定冠玄表朱裏前圓後方每旒各玉采纁  
九就貫五采玉九赤白青黃黑相次玉衡金簪玄  
纁垂青纁充耳用青玉承以白玉璵朱紘纓玉圭  
長九寸五分以錦約其下并韜。

袞服九章玄衣五章畫山龍華虫火宗彝纁裳四

章繡藻粉米黼黻。

永樂三年定。龍在肩。山在背。火華虫宗彝在袖。每袖各三

皆織成本色領。標襪裾。纁裳。織藻粉米黻黼各二。前三幅。後四幅。不相屬。共腰有襱。積本色。紕裼。

白紗中單。黻領。

永樂三年定。青領。標襪裾。領織黻文十一。

蔽膝。隨裳色。繡火山二章。

永樂三年定。四章。織藻粉米黼黻。本色綠。有紃。施于縫中。其上玉鈎二。

革帶。金鈎。飾。

玉佩二各用玉珩一。瑀一。衝牙一。璜二。瑀下玉花垂二。玉滴環雲龍文。櫛金。自珩而下繫組五貫。以玉珠。小綬四采以副之。四采赤白縹綠。纁質。

大帶素表朱裏。在腰及垂皆有緹。上緹朱。下緹綠。組約用青組。

大綬五采赤白玄縹綠。織成純赤質。三百三十首。小綬三色同大綬。間施三玉環。

永樂三年定。大綬四采青白縹綠。纁質。小綬三采間施二玉環。龍文皆織成。

白韉赤舄。

永樂三年定赤色烏。用黑鈎純黑飾烏首。

遠遊冠

凡從

皇帝郊廟省牲及冊封公主則服遠遊冠絳紗袍白紗中單黑領襖襪裙朱裳白裙襦白假帶方心曲領紅紗蔽膝白白襪黑烏。

皮弁服

洪武元年定朔望朝四夷朝貢朝覲則服皮弁。

永樂三年更定烏紗冒之前後各九縫每縫中綴五采玉九縫及冠武弁貫簪繫組處皆飾以金金簪

朱纓

玉圭如冕服內制。

絳紗袍本色領標襪裙。

紅裳如冕服內裳制不織章黻

中單以素紗爲之如深衣制紅領標襪裙領織黻  
文十一。

蔽膝隨裳色本色緣有綳施于縫中其上玉鈎三  
玉佩如冕服內制無雲龍文有小綬四采以副之  
大帶大綬鞞烏皆赤色皆如冕服內制

常服

洪武元年定烏紗折上市。亦名翼善冠。

永樂三年袍赤色。盤領窄袖。前後及兩肩各金織蟠龍一。帶用玉靴皮爲之。

皇太子妃冠服

洪武三年定與皇妃同。

永樂三年定九翬四鳳冠。漆竹絲爲圓匡。冒以翡翠。上飾翠翬九金鳳四。皆口銜珠滴珠翠雲四十片。大珠花九樹。小珠花如大珠花之數。雙博鬢左右共四飾以鸞鳳皆垂珠滴翠。口圈一副。上飾珠寶鈕花九。翠如其數。托裏金口圈一副。

珠翠面花五事。珠排環一對。珠皂羅額子一。描金龍文。用珠二十一顆。翟衣深青爲質。織翟文九等。凡一百三十八對間以小輪花。紅領標襖裙。織金雲鳳文。

紵絲紗羅隨用。

中單玉色紗羅爲之。紅領襖襦。領織黻文十一。蔽膝隨衣色。織爲章二等。間以小輪花三。以緞爲領。綠織金雲龍文。

玉黻圭長七寸。剡其上。琢黻文。以錦約其下。并韜玉革帶。青綺鞋。描金雲鳳文。玉事件十。金事件四。大帶表裏俱青紅相半。其末純紅而下垂。織金雲鳳文。上朱綠下綠緣。并青綺副帶一。

綬四采。赤白縹綠。纁質。皆織成。間施二玉環。小綬三色同大綬。



玉佩二。所以下琢飾雲鳳文。小綬四采副之。四采赤白縹綠。纁質織成。

青鞵烏鞵。以青線羅爲之。烏用青綺。以金雲鳳文。皂線純。每烏首加珠三。

### 常服

洪武三年定。犀冠刻花鳳首。飾釧鐲。用金玉珠寶翠諸色。團領衫。金繡鸞鳳。不用黃帶。用金玉犀。

四年又定。與皇妃同。

永樂三年定。燕居冠。以皂綬爲之。附以翠博山。上飾寶珠一座。翊以二珠。翠鳳皆口銜珠滴。前後珠牡。

丹花二。蕊頭八。翠葉三十六。珠翠穠花釐二。珠翠  
雲十六。翠口圈一副。金寶鈿花九。上飾珠九。金鳳  
二。口銜珠結。雙博鬚左右共四扇。飾以鸞鳳。金寶  
鈿十八。邊垂珠滴。金簪一對。珊瑚鳳冠。簪一副。  
大衫霞帔。衫用紅色。霞帔深青爲質。織金或繡或  
鋪翠。圈金。飾以珠玉。墜子。環。鳳文。

四襖襖子。

卽裙子。

桃紅色。金繡團鳳文。

鞠衣青色。胸背鸞鳳雲文。用織金。或繡。或加鋪翠。  
圈金。飾以珠。或素。不用黃。

大帶青線羅爲之。有綠。餘或紅。或綠。各隨鞠衣色。

綠襪襖子青色紅領襖襪裙織金采色雲鳳文。綠襪紅色綠綠襪織金采色花鳳文。

玉帶青綺鞋。描金雲鳳文。玉事件十。金事件三。玉花采結。綬以紅綠線羅爲結。上有玉綬花一。象帶雲鳳文。

綬帶上玉墜珠六。金垂頭花瓣四。小金葉六。紅線羅繫帶一。

白玉雲樣玳瑁二。如佩制。金如意雲蓋一件。兩面。鈿雲鳳文。下懸紅組五貫。金方心雲板一。鈿雲鳳文。襯以紅綺。下垂金長頭花四。中小金鍾一。末綬

白玉雲五。

青襪烏與前翟衣內制同。

諸王冠服

洪武元年十一月詔定諸王冠服制。凡受冊助祭謁廟元旦冬至聖節朝賀加元服。納妃服袞冕九章。冕用五采玉珠九旒。紅組纓青纁充耳。金簪導。永樂三年定冕冠如東宮。

玉圭長九寸二分五釐。

袞服九章。青衣玉章。纁裳四章。中單蔽膝玉佩。大帶綬白鞶。俱如東宮制。

皮弁服

洪武元年朔望進表四夷朝貢朝覲。則服皮弁絳紗。

袍俱如東官制。

常服

永樂三年定冠袍帶靴俱如東官。

保和冠

嘉靖七年十月甲子遼府光澤王寵滾奏聖製燕弁忠靜冠服。中外臣工受賜得服者咸以爲榮。乞併賜宗親官屬。章下禮部議。

上曰俟別製頒行

十二月

上諭禮部朕惟帝王制禮推己及人施自親始朕以

王道在謹獨故酌古玄端之制命之曰忠靜冠服  
錫于有位朕已嘗及宗室諸王其制尚未備欲圖  
之未遑今光澤王所請有獲朕心朕因酌燕弁及  
忠靜冠之制爲之製式使之上無所僭下無所偏  
具載圖說名之曰保和冠服夫上下之分猶天地  
之不可易各知其分然後能相保而國家治安令  
自郡王長子以上其製式開載已明鎮國將軍輔  
國將軍奉國將軍鎮國中尉輔國中尉奉國中尉  
以及左右長史審理正副紀善教授伴讀等官俱  
宜照忠靜冠服以品官之制服之其郡縣鄉君儀

賔雖各有品級。然非儒官比。不得槩服其餘各官。不許服以防過濫。於戲親欲貴也。愛欲富也。故禮制宜從敦崇。名以命之。器以別之。故品節不容假借。夫忠靜冠服。品式之不同者。尊賢之等也。保和冠服。品式之不同者。親親之殺等。殺既明。名分攸定。庶幾知所保矣。保斯和斯安。此錫名之義也。孟軻氏曰。樂天者保天下。畏天者保其國。禮部以其說頒布諸王府。如勅遵行。禮部隨以圖冊刊刻進呈。

上覽之。分諸王府頒布天下。



冠制以燕弁爲準。用九旒。俱去簪與五玉。後山皆一扇爲之。分畫爲四。

服用青身青緣。方龍補各一。身用素地。邊用雲觀。用深衣玉色。

帶青表緣。裏綠緣。履用皂綠結白韞。

親王妃冠服

王妃受冊助祭朝貢則服禮服。

洪武元年定冠九輦四鳳翟衣青質五色九等俱如東宮妃制。

永樂三年定九翟冠二頂如皇妃制。

大衫霞帔如皇妃制但墜不用金。

四襖襖子朝衣大帶玉穀圭玉華帶玉花采結綬王佩青襪舄俱如皇妃。

常服

洪武三年奉詔如皇妃。

皇明興禮志卷之十八

二十七

天順二年九月甲辰敕荆王祁鎬曰爾奏照母妃珠冠乞博鬢蓋博鬢惟皇后及東宮妃得用中尚有差等爾母妃冠有博鬢者乃一時特賜豈可爲例且以已妃上同于母旣非敬親又取僭竊違禮甚矣所奏不允自後毋妄作以損令名

公主冠服

與親王妃同惟不用圭

王世子冠服

洪武二十二年九月戊寅詔定王世子冠服。凡遇天壽聖節皇太子千秋節并正旦冬至進賀表箋告天祝壽世子冕服隨班行禮。其父王生日及諸節慶賀則于宮中行禮。

冕纁七就前後各七旒旒七玉纁五各朱白蒼三采

二十六年定紅組纓青纁克耳

永樂三年定玄表朱裏前圓後方前後各八旒每旒玉采纁八就各貫三采玉珠八赤白青色相次玉

衡金簪玄統垂青纁充耳

用青玉

朱紘纓承以白玉

填玉圭長九寸濶三寸厚半寸刻上左右各半寸

永樂三年定九寸

青衣纁裳七章青衣三章火宗彝華虫爲文

永樂三年定火一在肩其二與華虫宗彝各三織在

兩袖本色領標襪裾纁裳四章織藻粉米黼黻各

二

中單素紗爲之青領標襪裾領織黻文九蔽膝

永樂三年定隨裳色四章織藻粉米黼黻各二本色

緣有紉施于縫中其上玉鈎二

玉佩二白玉面玄組纓

永樂三年定親王制大帶朱表朱裏如親王制。

大綬四采赤白纁纁紅小綬三采間施二五采  
皆織成。

白鞵青馬。

永樂三年定如親王

皮弁服

永樂三年定皮弁前後各八縫每縫中綴三采玉八  
金簪朱纓玉圭絳紗袍紅裳甲單領織黻文九蔽  
大帶大綬鞵俱如親王。

常服

永樂三年定冠袍帶靴如親王。

保和冠服

冠等燕弁用八旒。

世子妃冠服

永樂三年定與親王妃同。惟冠用七翟。

郡王妃冠服

永樂三年定冕冠玄表朱裏前後七旒每旒五采藻七就各貫玉珠七赤白青色相次餘如王世子青衣纁裳五章青衣三章粉米一在肩其二并藻宗彝各三在兩袖皆織成本色領標襖裾纁裳二章織黼黻各二中單素紗爲之領織黻文七蔽膝隨裳色二章織黼黻各二

玉佩大綬四采韞舄赤色皆如王世子

皮弁服

永樂三年定皮弁前後各七縫每縫中綴三采玉七



玉圭絳紗袍紅裳中單領織黼文七。蔽膝玉佩大帶大綬鞶鳥俱如王世子。

常服

永樂三年定冠袍帶鞶如王世子。

保和冠服

嘉靖七年冠準燕弁用七襖。

郡王妃冠服

永樂三年定七翟冠頂冠金寶鈿花八。上有珠八。金翟二。餘如親王妃。

大衫霞帔衫用紅霞帔。深青質。金繡雲霞翟文。金

墜千鈸翟文。四袂襖子。金繡翟文。鞠衣。胸背金繡  
雲翟文。大帶青紅線羅爲之。有緣玉。穀圭長七寸  
剡其上。環穀文。玉革帶。描金雲翟文。玉花采結。綬  
如王妃。玉佩二。如親王妃。佩制環雲翟文。青鞵舄  
鞵用青綺。飾翟文。皂線純。餘如王妃。

長子冠服

朝服

七梁冠紅素羅衣白素紗中單紅素羅裳及蔽膝  
紅素羅白素紗二色夾帶玉朝帶丹碧紅花錦錦  
鷄綬玉佩象牙笏白絹鞞皂皮雲頭履鞋

公服

皂皺紗幘頭大紅素紵絲衣玉革帶

常服

烏紗帽大紅紵絲織金獅子開襖圓領玉束帶皂  
皮銅線靴

保和冠服。

嘉靖七年如忠靜之制用五翟。

郡主冠服

永樂三年定與郡王妃同惟不用圭及少四珠環一對。

長子夫人冠服

珠翠五翟冠大紅紵絲大衫深青紵絲金繡翟鷄  
翟子青羅金繡翟鷄霞帔金墜頭

## 宗室冠服

宣德元年五月丙子定宗室將軍中尉郡主縣主郡君縣君鄉君儀賓品級冠服儀式。其冠服儀式各依禮制榜冊內所載。又永樂中封藍田縣主造五翟冠以此爲準則。郡君縣君當用四翟冠。鄉君用三翟冠。

鎮國將軍冠服與長子同。夫人冠服與長子夫人同。

輔國將軍以下冠服俱與鎮國將軍同。惟冠六梁帶用犀。其夫人冠用四翟抹金銀墜頭。

奉國將軍冠五梁帶用金釵花常服大紅織金虎豹其淑人冠服與夫人同惟褙子霞帔金繡孔雀文。

鎮國中尉冠四梁帶用素金佩用藥玉其恭人冠服與淑人同。

輔國中尉冠三梁帶用銀釵花綬用盤鵬公服用深青素羅常服紅織金熊羆其宜人冠三翟褙子霞帔金繡鴛鴦文銀墜頭。

奉國中尉冠二梁帶用素銀綬用練鵲幘頭黑流常服紅織金彪其安人大衫用丹縐紅褙子。

金繡練鵲文

儀賓朝服公服常服俱照品級與文武官同惟笏皆用象牙常服花樣視武官

縣主冠服珠翠五翟冠大紅紵絲大衫深青紵絲金繡孔雀褙子青翟金繡孔雀霞帔抹金銀墜頭郡君冠用四翟褙子霞帔金繡鴛鴦文

縣君冠服與郡君同惟冠用三翟

鄉君大衫用丹礬紅褙子霞帔金繡練鵲文

弘治十三年定郡主儀賓釵花金帶胸背獅子縣主儀賓釵花銀帶郡主儀賓素金帶胸背俱虎豹絲

君儀賓釵花銀帶。鄉君儀賓素銀帶。胸背俱彫。僭用者革冠帶。戴平巾于本處儒學讀書習禮三年復職。

### 忠靜冠服

凡將軍中尉俱以品官制服之。儀賓不得服。

### 內使冠服

吳元年十二月定內使冠服制。凡內使冠用烏紗。描金曲角帽。衣用冒背花團領窄袖衫。烏角束帶。靴用紅扇面黑下椿。外人不許相同。

洪武三年冬十月壬戌重定內使服飾之制。



上諭宰臣。凡內使監未有職名者。當別製冠以別監官。禮部定擬內使監。凡遇朝會。依品具朝服。公服行禮。其常服葵花胷背團領衫。不拘顏色。烏紗帽。犀角帶。其內使無品從者。常服團領衫。無胷背花。不拘顏色。烏角束帶。烏紗帽。垂軟帶。年十五以下者。惟戴烏紗小頂帽。從之。

### 侍儀服

洪武四年二月乙卯朔。侍儀司言文武百官朝服。各從品級。侍儀舍人引班執事宜有定制。乃命中書省定擬侍儀舍人并御史臺知班引禮執事冠進

皇明典服志卷之十八  
三十五  
賢冠無梁服絳色衣其蔽膝及履韞韍帶大帶槐  
笏與九品同惟不用中單從之。

侍儀舍人校尉刻期冠服

洪武二年二月詔定侍儀舍人校尉刻期冠服禮官  
議今擬侍儀舍人導禮依元制用展脚幘頭窄袖  
紫衫塗金束帶皂紋靴常服用烏紗帽盤領衫校  
尉執仗亦依元制首服用金額交脚幘頭諸色辟  
邪寶相花裙襖銅葵花束帶皂紋靴刻期冠方頂  
巾衣背鷹鷄花腰線襖諸色潤匾絲絛象牙雕  
花環行縢八帶鞋制曰可

齊郎舞生冠服

洪武五年十月己丑命定擬齊郎樂生文武舞生冠服之制齊郎黑介幘漆布爲之無花樣服紅絹窄袖衫紅生絹爲裏皂皮四縫靴黑角帶文武舞生及樂生黑介幘漆巾爲之上加描金蟬服紅絹大袖袍胷襟畫纏枝方葵花紅生絹裏加錦臂鞢二皂皮四縫靴黑角帶武舞生武弁以漆布爲之上加描金蟬服飾靴帶並同文舞生

公侯品官朝冠服

洪武元年十一月詔定公侯以下朝冠服斟酌唐宋

凡朝賀辭謝皆服朝服用赤羅衣白紗中單青緇領緣裳與衣同青緣蔽膝同裳色大帶赤白二色革帶佩綬白鞵黑履梁冠公八梁侯及左右丞相大都督左右御史大夫七梁俱加籠巾貂蟬從一品平章同知都督七梁其帶用玉鈎鐔錦綬黃綠赤紫四色織雲鶴小綬同金環二三品官四梁革帶綬環同四品五品冠三梁革帶鍍金鈎鐔錦綬黃綠紫赤四色織盤鵬小綬銀鍍金環二六品七品冠二梁革帶銀鈎鐔錦綬黃綠赤三色織練鵲小綬銀環八品九品冠一梁革帶銅鈎鐔錦綬黃

綠二色織鴻鵠小綬二銅環其笏五品以上象九品以上槐木

洪武四年冬十月甲午定未入流冠服凡在外諸處提控案牘及吏目典史稅課司閘壩等官冠服皆准侍儀舍人冠無梁服赤羅服青緣飾赤羅蔽膝烏角帶紅白大帶槐木笏白襪黑履不用中單去佩綬

洪武二十六年公冠八梁加籠巾貂蟬立華五折四柱香草五段前後玉蟬侯冠七梁加籠巾貂蟬立華四折四柱香草四段前後金蟬伯冠七梁加籠

巾貂蟬。華二折四柱香草二段前後玳瑁蟬俱左  
插雉尾。駙馬冠與侯同。不用雉尾。文官不用籠巾  
貂蟬。一品七梁玉革帶。玉佩綬用綠黃赤紫四色  
織雲花錦。下結青絲網。綬環二用玉。二品冠六梁  
革帶。綬環用犀。餘如一品。三品冠五梁金革帶。玉  
佩綬用黃綠赤紫四色絲織雲鶴花錦。下結青絲  
網。綬環二用金。四品冠四梁金革帶。藥玉佩。餘如  
三品。五品冠三梁銀釵花革帶。綬用黃綠赤紫四  
色絲織盤鵬花錦。下結青絲網。綬環二用銀釵金  
六品七品冠二梁御史加獬豸銀革帶。藥玉佩。綬

用黃綠赤三色。織練鵲花錦。下結青絲網。綬環二用銀。八品九品冠一梁。烏角革帶。藥玉佩。綬用黃綠二色。織鸛鵲花錦。下結青絲網。綬環二用銅。雜職未入流品人員。若遇大朝賀進表。隨班用公服。三十年令照九品官朝服。

嘉靖八年十二月丁丑

上親定百官朝祭服圖式。詔禮部摹板繪采。頒行中外。初章服定制。載在會典。及內閣秘圖。沿久而訛。衣襲乎裳。無上下之辨。帶綬于鞶。無繚約之制。環有金玉等級。槩織于綬。畧似環形。綬隨品級花樣。

但取華美。任意粧飾。裳之襞積。煩簡不同。珮惟玉。璧銅釜。雜用。每遇朝賀祭祀。服令人殊。及

上更制袞冕。百官承訛如故。會聖旦給事中戴儒請。明降定式。以便習儀。禮官按秘圖會典。酌以今上所定冕服說。草上圖註。不稱旨。上乃諭內閣。規定公服所用革帶。照舊朝祭服大帶表裏俱素。兩耳及下釜緣以綠色。就以蔽膝。珮玉更復古制。裳併三齊。如禮官所言。且令議方心曲領名義。于是禮官言方心曲領始于隋時。非古也。

上曰。方心曲領。古制不傳。况始自隋。豈可襲用。宜革。



之餘如圖註通行中外職官遵行毋得違越仍會議各王府官一體更正。

### 公服品祭服

洪武元年定凡

上親祀郊廟社稷文武官分獻陪祀則服祭服與朝服同維衣色尚青加方心曲領。

六年十一月詔定品官家用祭服公服。

上諭禮部臣曰古人士大夫祭宗廟亦有祭服其見私親尊長亦必公服其議以聞於是定議品官之家私見尊長而用朝君公服於理未安宜別製梁

冠絳衣絳裳革帶大帶白鞵烏鳥佩綬其衣裳去  
綠襪三品以上用佩綬三品以下不用其祭服三  
品以上去方心曲領三品以下并去佩綬從之仍  
令如式製祭服賜公侯各一襲祭家廟之用

二十九年七月詔在外未入流官陪祭俱用祭服  
先是淮安鹽城縣學教諭王孟上言公服以朝祭  
服以祀今在外凡祀山川諸神流官具祭服未入  
流官具公服然公服旣於朝賀用之而又以祀神  
禮有未宜且未入流官公服之制自八品以下皆  
同則祭服亦宜與之同

上是其言。詔自今未入流官。凡祭皆用祭服。與九品同。

嘉靖八年。上衣用青羅皂緣。下裳用素羅皂緣。蔽膝綬環大帶。革帶佩玉。襪履俱與朝服同。去方心曲領。

### 公服

洪武元年定朔望朝見及拜詔降香侍班謝恩見辭。有司拜表朝覲。併在外官。清晨公座則用公服。一品至四品赤色。五品至七品青色。八品以下及雜職綠色。俱盤領右袪袍。一品服大獨科花徑五寸。

玉帶。二品小獨科花。徑三寸。花犀帶。三品散答花。無枝葉。徑二寸。金帶。鏤荔枝花。四品小雜花。徑一寸五分。金帶。鏤荔枝花。五品花如四品。六品七品花如五品。徑一寸八品九品無花。通用角帶。笏如制。幞頭用漆紗。二等展角。各長一尺二寸。雜職官用垂帶。其帶鞞用青革。垂尾于下。鞞用皂。凡未入流品。遇大朝賀。進表陪班。止用公服。在京文武官。每日早晚朝奏事。亦服之。後常朝止便服。惟朔望具公服朝參。武官應直守衛者不用。

常服

洪武元年定常服。烏紗帽。金繡盤領衫。文官大袖。闊一尺。武官方袂窄袖。束帶一品玉。二品犀。三品金銀花。四品素金。五品銀。銀花。六品七品素銀。八品九品角。

二十六年定。公侯駙馬伯。麒麟白澤。文官一品二品仙鶴。錦鷄。三品四品孔雀。雲鴈。五品白鸛。六品七品鷺鷥。鷄。鴻。八品九品黃鸞。鸛。鶡。練鵲。風憲官用獬豸。武官一品二品獅。三品四品虎豹。五品熊。六品七品彪。八品九品犀牛。海馬。文職官衣長自領至裔。去地一寸。袖長過手。復至肘。袖播廣一尺。

袖口九寸。公侯駙馬與文職同。武職官衣長去地五寸。袖長過手七寸。袖襠廣一尺。袖口僅出拳。束帶洪武二十四年定。公侯駙馬伯與一品同。雜職未入流官與八品九品同。一品俱用紅鞵。一品玉帶。二品花犀帶。三品四品荔枝金帶。五品至九品烏角帶。未入流品者黑角束帶。

洪武三年三月丙申給賜朝臣袍帶。凡二千八百一十四人。先是禮部言多官有先授散官與見任職事官下不一者。如監察御史董希哲前授朝列大夫澧州知州而任七品職事。右司郎中朱冕前授

亞中大夫開封知府給事中李仁甫授亞中大夫  
黃州知府而並任五品職事散官與見任之職不  
同故其服色亦不能無異乞定其制乃詔省部臣  
定議於是禮部奏唐制服色皆以散官爲準元制  
散官職事各從其高者故服色亦因之國朝初服  
色並依所授散官蓋與唐制同  
上曰自今服色宜准所授散官不計見任之職于是  
所賜袍帶皆從原授散官給之

履

洪武六年二月命朝官製常服禮鞋先是百官入朝

遇雨皆用釘靴。進趨之間。聲達殿陛。侍儀司官以爲不肅。請禁之。

上曰。古者朝臣入朝有履。自唐以來始用靴。行之已久。不可猝變。宜令朝官爲軟底皮鞋。籠於靴外。出朝則釋之。

### 牙牌

洪武十一年三月丁酉。始制牙牌。給文武朝臣。其制象牙爲之。刻官稱于上。凡朝參佩以出入。有不佩者。門者却之。私相借者。論如律。有故則納之內府。其在外來朝百司官。官無牌者。則于各門附名以



入勲臣以勲字。親臣以親字。文臣以文字。武臣以武字。文武官之與陪祀郊廟及執事人亦給牙牌。有圓花長花花素之別。凡諸得給牌者有故則檢籍而納之。

正德十六年九月禮部覆禮科都給事中邢寰奏牙牌惟常朝職官得以懸帶。正德以來權奸竊柄傳陞官乞清查以重名器得旨。文職不朝叅者不得濫給牙牌。武官進御侍班佩刀執金爐者給與。

嘉靖二十四年十一月丙申禮科都給事中陳邦修言百官出入禁門帶牙牌以妨奸僞。今虛銜帶俸。

及襍流供事者如文思院大使趙成等十餘人皆得關領朝叅牙牌宜查奪

上以名器當慎令禮部尚寶司禮科查奪有違例者以名聞

### 金符牌

洪武四年六月詔定武臣金銀牌制叅考舊典武臣懸帶金牌濶二寸長一尺上級雙龍下級二伏虎牌首尾爲圓竅貫以紅絲絛指揮佩金牌雙雲龍雙虎符千戶佩鍍金銀牌獨雲龍獨虎符百戶素雲銀牌符凡造雙龍雙虎符金牌五百面獨雲龍

獨虎符鍍金銀牌二千面素銀牌一萬一千面共  
一萬三千五百面

上親爲文敍之曰上天祐民朕乃率撫威加華夏實  
憑虎臣賜爾金符永傳後嗣天子饗祀郊廟若視  
學籍田勲衛扈從及公侯駙馬都督日直衛錦衣  
當直則給金牌有龍者虎者麒麟者獅者雲者以  
官爲差皇城金吾禁夜五城夜巡則給令牌虎黃  
巡城則給銅符九門守衛則給銅牌錦衣校尉入  
直則給雙魚銅牌

扈駕銅牌

洪武六年五月命造扈駕先鋒金字銀牌一千五百  
面尋改爲守衛金牌以銅爲之塗以金高一尺濶  
三寸分仁義禮智信仁字上鈹獨龍盤雲花公侯  
伯都督佩之義字鈹伏虎盤雲花指揮佩之禮字  
鈹獬豸盤雲花千戶衛鎮撫佩之智字鈹獅子盤  
雲花百戶所鎮撫佩之信字鈹盤雲花將軍佩之  
二面俱篆文牌首竄貫青絲鎮撫及將軍隨駕應  
直宿衛者開給佩帶下直則納之國朝將軍選豐  
幹勇力者爲之號曰天武將軍立將軍千百戶總  
旗統其衆凡早晚朝及宿衛扈駕執金瓜披鐵甲

佩弓矢冠紅纓鐵盔帽列侍左右。如大朝會則披金甲金盔帽列侍殿庭俱有定數。初隸拱衛指揮使司後隸錦衣衛止稱曰將軍。

### 忠靜冠服

嘉靖七年上既製燕弁服諭張璉曰古尚儉今尚華古玄端通于上下茲爲等威辨之卿其承朕志璉言古玄端用廣達于上下今品官燕居競爲奇服以亂典章乞如玄端別爲簡易制以昭布天下上因製忠靜冠服併以圖冊示禮部勅諭曰我

祖宗稽古定式凡享祀郊廟視朔視朝并冕裳服

至于品官朝祭服公服常服各有等級不可變比  
年以來衣服詭異達官顯士與市井同走卒役厮  
與儒流並上下無辨民志何定禮曰衣服在躬不  
知其名曰罔又曰不學雜服不能安禮朕制曰燕  
弁善與人同令從君出故欲儆于有位因復酌古  
玄端制更名曰忠靜庶幾乎進思盡忠退思補過  
也夫君子大復古重變古非泥古也因時制宜各  
有法象意義宜令如式製造在京許七品以上官  
及八品以下翰林院國子監行人司在外許方面  
官及各府堂官州縣正官儒學教官服之武官止

都督以上許服其餘不得濫服至于詭異之服悉行禁革夫衣裳在笥所以尚賢車服以庸所以昭德爾羣臣尚當稽名見義期成戡戕之譽無侈楚楚之容如勅行

忠靜冠卽古玄冠冠匡如制以烏紗冒之兩山列後冠頂仍方中微起三梁各壓以金線邊以金線之四品以下去金邊以淺色絲線緣之

忠靜服卽古玄端服色用深青三品以上用雲四品以下用素邊緣以藍青前後飾以本等補子深永玉色

素帶如古大夫之帶制。青衣綠緣邊并裏表履色用青綠。絛結白襪。

凡王府及左右長史審理正副紀善教授等官俱以品官之制服之。在京七品以上官及八品以下翰林院國子監行人司官在外方面官各王府堂官州縣正官儒學教官及武官都督以上許服。

洪武二十三年三月申定官民服飾先是上見朝臣衣服日就短窄有乖古制乃命禮部尚書李原名國子司業龔敷泰酌時宜俾存古意原名等議定文官衣長自領至裔去地一寸袖長過手復回至



肘袖襖廣一尺袖口九寸。公侯駙馬與文職同者。民儒士生員同。文職惟袖過手復回不及肘三寸。庶民衣長去地九寸。袖長過手六寸。袖襖廣一尺。袖口僅出拳。軍人衣長去地七寸。袖長過手五寸。袖襖廣不過一尺。窄不過七寸。袖口僅出拳。從之。命頒示中外。凡服色禁制。

洪武二十六年。令品官常服用雜色紵絲綾羅綵繡。庶民止用紬絹紗布。不許別。

又令官吏及軍民僧道人等衣服帳幔並不許用。

玄黃紫三色并織繡龍鳳文其朝見人員四時並用顏色衣不純素。

景泰四年令錦衣衛指揮侍衛者得衣麒麟服色從錦衣指揮同知畢旺援永樂中例請也。

天順二年令官民人等衣服勿用蟒龍飛魚斗牛大鵬像生獅子四寶相花大西番蓮大雲花樣并玄黃紫及玄色樣黑綠柳黃姜黃明黃等色。

成化三年令官民人等勿僭用服色花樣。

弘治元年正月禮部覆左副都御史邊鏞言乞禁內外官僭乞蟒衣按國朝品官服色無蟒衣之制考

之爾雅韻書。蓋鱗乃蛇屬。非龍類。鱗無角。足龍則角足。具焉。今織鱗爲龍形。請如鋪言。凡內外官無聞新舊。悉令進繳。不許織造。上是之。命原受賜者聽其服用。餘悉令還官。

嘉靖六年。令在京在外官民人等。不得濫服五彩粧花。織造違禁顏色。及將鱗龍造女衣。夷人不許擅買。違式衣服。

十六年。令在京在外文武官員。其大紅紵絲紗羅服。惟四品以上官。及在京九卿翰林院詹事府春坊司經局尚寶司光祿寺鴻臚寺五品堂上官經

筵講官得服其餘俱青綠錦繡遇吉禮紅布絨褐  
洪武三十年令致仕官服色與見任同若遇朝賀及  
謝恩見辭具服行禮

凡年老致仕及侍親辭閑官員許用紗帽束帶若  
爲事黜降者服與庶人同

凡官民服色冠帶貴賤有等上可兼下下不可僭  
上官員致仕與見任同其祖父有官身沒非犯除  
名子孫許居父祖房舍衣服車馬比祖父同

職官一品至四品帽頂帽珠繫腰用金玉珠寶粧  
飾五品六品帽頂許用金玉帽珠用珊瑚琥珀繫

腰用金銀犀角七品至九品帽頂許用銀或鍍金  
帽珠用水晶琥珀繫腰用銀鍍鐵以上帽子帽花  
許用製造字樣及龍鳳文靴子通用金線花樣

外國陪臣冠服

宣德三年冬十月賜朝鮮國世子六梁冠一先是朝  
鮮國王李祖奏洪武中蒙賜國王冕服九章陪臣  
冠服比朝廷遞降二等蓋陪臣一等比朝臣第三  
等得五梁冠服永樂初先臣芳遠遣世子禔入朝  
蒙賜五梁冠服臣切惟世子冠服乃同陪臣一等  
乞爲定制

上從之故有是命。

內外命婦冠服

洪武元年定命婦一品冠花釵九樹兩博鬢九鈿服用翟衣紫繡翟九重素紗中單黼領朱縠襖標裙蔽膝隨裳色緞爲領緣加文繡重翟爲章二等大帶隨衣色玉革帶青襪烏佩綬二品冠花釵八樹兩博鬢八鈿服用翟衣八等紫色犀革帶餘如一品三品冠花釵七樹兩博鬢七鈿翟衣七等色紫金革帶餘如二品四品冠花釵六樹兩博鬢六鈿翟衣六等色紫金革帶餘如三品五品冠花釵

五樹兩博鬢五鈿翟衣五等色紫烏角革帶餘如  
四品六品冠花釵四樹兩博鬢四鈿翟衣四等色  
緋烏角革帶餘如五品七品冠花釵三樹兩博鬢  
三鈿翟衣三等色緋烏角革帶餘如六品

洪武四年五月定外命婦朝服之制先是

上以古者天子諸侯服袞冕后與夫人褙翟今羣臣  
旣以梁冠絳衣爲朝服不敢用冕則外命婦亦不  
當服翟衣以朝命禮部議之至是禮部奏外命婦  
以山松特髻假鬢花鈿眞紅大袖衣珠翠感金霞  
帔爲朝見之服以珠翠角冠金珠花釵濶袖雜色

綠緣爲燕居之服。一品衣金繡文霞帔。金珠翠粧  
飾玉墜子。二品衣金繡雲肩大雜花霞帔。金珠翠  
粧飾金墜子。三品衣金繡大雜花霞帔。珠翠粧飾  
金墜子。四品衣繡小雜花霞帔。翠粧飾金墜子。五  
品衣銷金大雜花霞帔。生色畫絹起花粧飾金墜  
子。六品七品衣銷金小雜花霞帔。生色畫絹起花  
粧飾鍍金銀墜子。八品九品衣大紅素羅霞帔。生  
色畫絹粧飾銀墜子。首飾一品二品金玉珠翠。三  
品四品金珠翠。五品金翠。六品以下金鍍銀間用  
珠制曰可。



洪武五年四月己亥禮部奏更定品寔命婦冠服制  
度一品命婦禮服用山松特髻翠松五株金翟八  
口銜珠結正面珠翟一珠翠花四珠翠雲喜花三  
後髻珠梭球一珠翠簪翟一珠翠梳四金雲頭連  
三釵一珠簾梳一金簪二珠梳環一雙大袖衫用  
真紅色霞帔翟子俱深青色霞帔上施鳳金繡雲  
霞翟文釵花金監子翟子上施金繡雲霞翟文常  
服珠翠慶雲冠珠翠翟三金翟一口銜珠結髻邊  
珠翠花二小珠翠梳一雙金雲頭連三釵一金壓  
鬚雙頭釵二金簪梳一金簪二金脚珠翠佛面環

一雙鐃釧皆金。長襖。長裙。長襖綠襪。或紫或綠。上施感金繡雲霞翟文。長裙橫豎欄金繡纏枝花文。二品特髻上金翟七口銜珠結。餘如一品。常服如一品。三品特髻上金孔雀六口銜珠結。正面珠翠孔雀一。後簪翠孔雀二。霞帔上施感金雲霞孔雀文。銀花金墜子。裙子上施金繡雲霞孔雀文。餘如二品。常服冠上珠翠孔雀三。金孔雀二口銜珠結。長襖着帶。或紫或綠。並繡雲孔雀文。長裙橫豎欄並繡纏枝花文。餘如二品。四品特髻上鍍金銀鴛鴦四口銜珠結。正面珠翠鴛鴦一。小珠鋪翠。

雲喜花三朵。一。鑲金銀雲頭連三釵。  
一。小珠翠釵。一。鑲金銀簪二。小珠翠環一雙。霞  
帔上施繡金雲霞鴛鴦文。鑲金銀釵花墜子。褶子  
上施繡金雲霞鴛鴦文。餘如三品。常服冠上小珠翠  
鴛鴦三。鑲金銀鴛鴦三。桃珠牌。鬢邊小珠花二朵。  
鑲金銀連三釵一。梳一。鑲金銀壓鬢雙頭釵二。鑲  
金銀簪二。銀脚珠翠佛面環十雙。鐲釵皆用鑲金  
銀。長襖綠襖。繡雲霞鴛鴦。長裙橫豎欄。繡纏枝花  
文。餘如三品。五品特髻上。鑲金雲鴛鴦三口銜  
珠結。餘如四品。常服如四品。六品特髻上。翠松

三枝。鍍金銀練鵲四。口銜珠結。正面鍍金銀練鵲  
一。小翠花四。後簪翠梳。玳瑁一。翠練鵲玉翠梳四。連  
三釵一。翠簾梳一。銀簪二。霞帔施繡雲霞練鵲文。  
釵花銀墜子。藉上施繡雲霞練鵲文。餘如五品常  
服冠上鍍金銀練鵲三。又鍍金銀練鵲二。桃小珠  
髻。鐲釧皆用銀。長裙橫豎欄。繡纏枝花文。餘如五  
品。七品禮服常服俱如六品。其八品九品禮服  
惟用大袖衫霞帔。藉子大衫如七品。霞帔上繡纏  
枝花。釵花銀墜子。藉子上繡摘枝團花。通用小珠  
慶雲冠。常服亦用小珠慶雲冠。銀間鍍金雲頭連

三釵一銀間鍍金壓簪雙頭釵二銀間鍍金腦梳  
一銀間鍍金簪二長襖綠襪着帶並繡纏枝花餘  
如七品

洪武五年十一月定命婦圓衫之制以紅羅爲之綉  
重雉爲等第一品九等二品八等三品七等四品  
六等五品五等六品四等七品三等其餘不用綉  
雉

洪武十八年六月戊戌頒命婦翠雲制於天下其制  
鋪以珠翠前用菊花三珠菊蕊二翠雲葉二十七  
葉上翠雲五雲上用大珠五後用珠菊花一珠菊

蓋三翠葉二十四兩旁插金翟口銜珠結一雙金翟惟公侯一品二品命婦用之三品四品金孔雀五品銀鸞六品七品銀練鵲俱鍍金銜珠結一雙八品九品銀練鵲金間抹之銜小珠桃牌一雙凡命婦入內朝見

君后在家見舅姑并夫及祭祀則服禮服

二十四年定命婦冠服公侯伯與一品同大袖衫用真紅色一品至五品紵絲綾羅六品至九品綾羅紬絹霞帔褙子皆用深青段公侯及一品二品金繡雲霞孔雀文五品綉雲霞鸞文六品七品

繡雲霞練鵲文大袖衫領濶三寸兩領直下一尺  
間綴紐子三前身長四尺一寸二分後身長五尺  
一寸內九寸八分行別褶起末綴紐子二紐在掩  
紐之下拜則放之袖長三尺二寸二分根濶一尺  
口濶三尺五分落摺一尺一寸五分掩紐二就用  
衫料連尖長二寸七分濶二寸五分各于領下一  
尺六寸九分處綴之于掩下各綴紐門一以紐在  
摺起後身之余者幾子亦用衫料兩塊斜裁上尖  
下平連尖長一尺六寸三分每下平處各濶一尺  
五分縫合于領下一尺七分處綴之上綴尖皆縫

合以蔽霞帔後垂之者。霞帔二條。各長五尺七寸。濶三寸二分。各繡禽七。隨品級用。前四後三。各繡左右取尖。長二寸七分。前後分垂。橫青羅襖子。牽聯並之前垂三尺三寸五分。尖綴墜子一。後垂二尺三寸五分。臨末插玳子內蔽之。墜子中鍛花禽一。四面雲霞文。禽如霞帔。隨品級用。笏以象牙爲之。圓首方脚。長六寸四分。濶一寸五分。厚一分五釐。

二十六年定一品冠用金事件。珠翟五。珠牡丹開頭二。珠半開三。翠雲二十四片。翠牡丹葉一十八。



片翠口圈一副上帶金寶鈿花八金翠二口銜珠  
結二箇二品至四品冠用金專件珠翟四珠丹開  
頭二珠半開四翠雲二十四片翠牡丹葉一十八  
片翠口圈一副上帶金寶花八金翟二箇口銜珠  
結二一品至二品霞帔用雲霞翟文釵花金墜子  
褙子用雲霞孔雀文五品至六品冠用抹金銀專  
件珠翟三珠牡丹開頭二珠半開五翠雲二十四  
片翠丹葉一十八片翠口圈一副上帶抹金銀寶  
鈿花八抹金銀翠二銜珠結子二五品霞帔用雲  
霞翟鴛文釵金釵花銀墜子褙子用雲霞鴛鴦文

六品霞帔用雲霞練鵲文。釵花銀墜子。褙子用雲霞練鵲文。七品至九品冠用抹金銀事件。珠翟二珠。月桂開頭二珠。半開六。翠雲二十四片。翠月桂葉一十八片。翠口圈一副。上帶抹金銀寶鈿花八抹。金銀翟二箇。口銜珠結子二。七品霞帔墜子褙子與六品同。八品九品霞帔用繡纏枝花墜子。與七品同。褙子繡攬枝團花。

命婦牙牌

嘉靖九年二月定命婦牙牌式。視陪祀官殺三之一。內外官員親屬冠服。

洪武元年十二月癸未詔定官員親屬冠服之制。禮部尚書崔亮等定議。凡內外官員父兄伯叔子孫弟姪。用烏紗帽軟脚垂帶圓領衣。烏角帶。在外閭者。圓領衣。烏角帶帽。四角稍垂。

凡品官祖母及母與子孫同居親弟姪婦女禮服。合依本官所居官職品及通用漆紗珠翠慶雲冠。本衫霞帔。褙子。緣襖襖裙。惟山松特髻子。止許受封誥勅者用之。品官次妻。許用本品珠翠慶雲冠。褙子。爲禮服。銷金濶領長襖長裙。爲常服。婢使人等。綰高頂髻。用絹布狹領長襖長裙。小婢使綰雙

髻用長袖短衣裙制曰可

### 士庶冠服

洪武三年定士庶初戴四帶巾。今改四方平定巾。雜色盤領衣。不用黃。執仗之士。首服鏤金額。交脚幞頭。服諸色辟邪寶相花裙襖。銅葵花束帶。皂文靴。刻期冠。方頂巾。衣胸鷹鷄花。腰線襖子。諸色濶絲匾緣象牙雕花環行膝八帶鞋。皂隸冠。圓頂巾。衣皂衣。又令庶民男女衣服。並不得僭用金繡錦綺紵絲綾羅。許用紬絹素紗。其首飾釧鐲。並不得用金玉珠翠。止用銀。靴不得裁製花樣。金線粧飾。

四年定皂隸公使人等穿皂盤領衫戴平頂巾繫白裕襖帶錫牌。

六年令庶民巾環不得用金玉瑪瑙珊瑚琥珀未入流品者並同庶民帽不得用頂帽珠許用水晶香水校尉只係束帶幘頭靴鞋刻期雕刻雜花象牙繚環外餘同庶民。

十四年令農民之家穿紬紗絹布商賈之家止穿絹布如農民之家但有一人爲商賈者亦不得穿紬紗。

永樂四年九月戊午命禮部申明民間巾服之制。

上以京師軍民徂于習俗。多戴圓帽。顰頭。非本等巾服。乖於禮制。故有是命。

正德元年。禁商販吏典僕役倡優下賤。不得服用貂裘。僧道隸卒下賤之人。俱不得服用紵絲紗羅綾錦。

### 士庶妻冠服

冠。漆紗。慶雲冠。銀首飾。服。大袖衫。桃紅紵絹布素霞帔。藍青紵絹布。隨用。褙子。綠色紵絹布。

洪武三年。定士庶妻首飾。金鑲金耳環。金珠釧。鐲。銀服。淺色團衫。用紵絲紗羅綾。

五年令凡民間婦人禮服惟紫染色純不用金繡  
凡婦人袍衫止用紫綠桃紅及諸淺淡顏色不得  
用大紅雅青黃色帶用藍絹布凡女子在室者服  
飾之制皆作三小髻金釵珠頭髻窄袖褶子凡婢  
使人等縮高頂髻用絹布狹領長襖長裙小婢使  
縮雙髻用長袖短衣長裙

成化十年令禁官民人等婦女不得僭用渾金衣服  
寶石首飾

正德元年令軍民婦女不得用銷金衣服帳幔寶石  
首飾

進士巾服

洪武初定進士巾。如烏紗帽之製。頂微平。展角濶寸余。長五寸許。繫以垂帶。皂紗爲之。深青藍羅袍緣以青羅袖。廣而不殺。革帶青鞵。飾以黑角。垂撻尾於後。笏用槐木。廷試後。赴國子監領出。傳臚日服之。至上表謝恩。後謁

先師孔子行釋菜禮畢。始易常服。其巾袍等。仍送國子監交收。

生員巾服

洪武二十四年冬十月。定生員巾服之制。欄衫。用玉



絹布爲之寬袖皂緣皂絲軟巾垂帶。

上以學校爲國儲材而士子巾服無異吏胥宜有以甄別之命工部製式以進。

上親視必求典雅凡三易其制始定自是士子衣冠特著古風。

### 吏員巾服

洪武四年定各衙門掾史會史書吏司典吏穿皂盤領衫繫絲絲戴四方平定巾。

十四年定吏員皂衣改用青色。

三十年定令史典吏皆服吏巾巾樣不與庶民同。

軍士

洪武二十一年九月戊寅定中外衛所馬步軍士服色。惟駕前旗手一衛用黃旗。軍士力士俱紅祥襖。盔甲之制如舊。其餘衛所悉用紅旗紅祥襖。凡胖襖長齊膝窄袖。內實以綿花。旗幟各分記號。用青藍爲邊。玄黃紫白間色俱不得用。凡爲旗幟衣裝布絹綿花蘇木棗木之類皆官給之。毋令軍士自備。

巾帽

洪武二十二年十二月己亥申嚴巾帽之禁。凡文武

官除本等紗帽外。遇雨許戴雨帽。公差出外。許戴帽子入城。不許其公差人員出外者。亦如之。將軍力士校尉旗軍。常戴頭巾。或槓腦官下舍人。并儒生吏員民人。常戴本等頭巾。鄉村農夫。許戴斗笠蒲笠出入。市井不禁。不親農桑者。不許。

### 僧道

洪武十五年十二月乙酉。定天下僧道服色。凡僧有三曰禪。曰講。曰教。禪僧茶褐常服。青條玉色袈裟。講僧玉色常服。深紅條。淺紅袈裟。教僧皂常服。黑條。淺紅袈裟。僧官如之。惟僧錄司官袈裟緣文及

環皆飾以金。道士常服青法服。朝衣皆用赤色。道官亦如之。惟道錄司官法朝服衣緣紋飾金。

凡在京道官。紅道衣。金襴木簡。在外道官。紅道衣。木簡。不用金襴。道士青道服。木簡。

教坊司巾服

洪武三年定樂藝冠。青田字頂巾。繫紅緣裕襖。樂妓則戴明角冠。皂褙子。不與庶民妻同。

御前供奉俳長皆服鼓吹冠。紅羅胸褙。小袖袍。紅絹裕襖。皂靴。色長皆鼓吹冠。紅青綠紵絲衫。盡百花袍。紅絹裕襖。歌工皆服弁冠。紅羅織金胸背。大袖。

袍紅生絹錦領中單黑角束帶紅熟絹錦脚袴皂皮琴鞋白綿布夾襪樂工服色與歌工同

凡教坊司官常服冠帶與百官同至

御前供奉執粉漆笏服黑漆幘頭黑綠羅大袖襪袍黑角徧帶皂靴又令教坊司伶人常服綠色巾以別士庶之服又令樂人帶鼓吹冠不用錦絲惟用紅褶裋服色不拘紅綠又令教坊司婦人不得帶冠穿褶子又令樂工出承應外不得穿靴又令樂人衣服得用明綠桃紅玉色水紅茶褐顏色其餘不得用俳色長樂工俱帶皂頭巾繫雜色絲凡

中官供奉女樂。奉鬋等官妻本色髻髻。青羅圓領提  
誠文樂服。黑漆唐巾。大紅羅銷金花圓領。鍍金花  
帶皂靴。歌童女樂服。黑漆唐巾。大紅羅銷金裙  
襖。胸帶。大紅羅抹額。青綠羅彩畫雲肩。描金牡丹  
花皂靴。奏樂女服色與歌童同。

論曰古之聖人見鳥獸冠角而作冠纓。見草木英  
華而造玄黃。肇于軒黃。脩于三王。禮文大脩。彬彬  
盛矣。周人五冕。下暨卿士之服。天子亦服之。毋乃  
繁且濶乎。秦滅六王。兼用其冠服。以賜羣臣。古制  
蕩然矣。漢因秦陋。長冠鉤玄。義意何居。陳隋之際。

冕用二十四旒。鵠羽。蜚胎。與玄統並襲。已甚矣。唐天子之服。十有四。羣臣之服。二十有一。宋天子之服。有七。何紛糅也。元人大裘而朝。質孫而宴。冬服十有一。夏服十有五。羶毳。故態宜無足言。

高皇帝解椎結而冠冕。易弁服而裳衣。卽位之年。畧下明詔。與天下更始。卽五冕無所取于周人。玄覽訐謨。遠邁湯武。况其他乎。蓋其在乘輿者。僅四。曰冕服十二。蓋取諸黃虞。曰通天冠服。蓋取諸漢。曰皮弁服。蓋取諸周。曰常服。蓋取諸隋唐之折上巾。纁黃冠。若乃皇后褕衣。蓋取諸周。龍鳳冠服。蓋取

諸唐宋太子諸王妃主以等而降羣臣之服有  
自上公不得服袞冕命婦不得服翟衣曰梁冠朝  
服蓋取諸宋其加籠巾貂蟬也蓋取諸宋曰常服  
公服蓋取諸後周曰常服烏紗蓋取諸唐簡而有  
制文而不繁以別尊卑以辨親疎若廼補服之辨  
等威也牙牌之鏤職名也命婦之有山松特髻也  
則千古未之有也

高皇以義起也夫禮時爲大順次之

聖帝明王不相襲聖者作法愚者別焉損而益之與  
時宜之收身之流而爲弁也佩璫之化而爲綬也



軍容之聳而爲幘頭也。冠之屋而爲巾也。編髮之  
易而爲髻與步搖也。履之易而爲鞞也。聖人復起  
未之能易也。第朝祭之服無章而常服有章。朝祭  
之辨名也。僅以冠梁綬錦而常服之辨名也。僅以  
禽鳥女服不稱笄而稱冠。朝冠旣以朝而又以祭。  
去古日遠于今。用之行之近代。又大非國初之舊。  
外官自郡守而下不敢以章服見上官。是上官嚴  
于至尊而職官綬錦。勿間崇卑。漸以凌夷。是又當  
改而更章之矣。